



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJILAN

Numri i lëndës: 2018:036186

Datë: 19.09.2018

Numri i dokumentit: 00125683

P.nr. 949/2017

NË EMËR TË POPULLIT

GJYKATA THEMELORE GJILAN/ Departamenti i Përgjithshëm, përmes gjyqtarit të vetëm gjykues Behar Ymeri, me sekretaren juridike Igballe Azemi në çështjen penale ndaj të akuzuarit V.L. me vendbanim në Gjilan, për shkak të veprës penale Lëndimi i lehtë trupor nga neni 188 paragrafi 1 pika 1.4 të KPRK-s, i akuzuar sipas aktakuzës së Prokurorisë Themelore në Gjilan, PP.II.nr.1513/2017 të datës 06.09.2017, të cilën e përfaqëson prokurori Shefik Memeti pas mbajtjes të shqyrtimit fillestar më datë 18.09.2018 mori dhe shpalli këtë:

A K T G J Y K I M

I pandehuri **V.L.**, nga babai H., e ëma M., e lindur L., i lindur ... në ..., në ..., me vendbanim në Gjilan, Lagja “ ... “, Rr. G.S., p.nr., me numër personal ..., ka të kryer shkollën fillore, i pa punë, i pa martuar, i gjendjes ekonomike të mesme, shqiptar, shtetas i R. Kosovës, më parë i dënuar dhe nuk udhëhiqet procedurë për veprë tjetër penale .

ËSHTË FAJTOR

Sepse nga datë 09.08.2017 rreth orës 13:00 minuta në Lagjen Arbëria K. Gjilan i pandehuri pas një mosmarrveshje fillimisht verbale, përmes dritares së automjetit me të dëmtuarin D.Q., të cilin e ka ndal në rrugë deri sa i dëmtuari drejtonte automjetin e tij të markës Jeta (Taksi) i njejtë e sulmon edhe fizikisht duke e goditur me grushta në pjesë të kokës, ndërkohë ja hap derën e automjetit dhe me shqelm e godet edhe në pjesë të trupit, në këtë të njëjtit i shkakton lëndime të lehta trupore i cili për shkak të lëndimeve të pësuar nga këto goditje detyrohet të kërkoj ndihmë mjekësore në Emergjencën e Spitalit Regjional në Gjilan.

Me çka ka kryer veprën penale Lëndimi i lehtë trupor nga neni 188 paragrafi 1 pika 1.4 të KPRK-s.

Andaj, gjykata në bazë dispozitës së lartcekur ligjore dhe neneve 4, 41, 42, 43, 46, 73, 74 dhe 75 të KPRK, si dhe nenit 365 të Kodit të Procedurës Penale (KPP), të akuzuarin:

E G J Y K O N

Të akuzuarit V.L. për veprën penale nga ky dispozitiv, i shqiptohet dënimi me gjobë në shumë prej 200.00 € (dyqind euro) të cilën dënim do ta paguaj në afat prej 60 ditësh nga dita e plotfuqishmërisë së këtij aktgjykimi.

Nëse i pandehuri refuzon të paguajë dënimin me gjobë ose nuk është në gjendje ta paguaj atë atëherë dënimi me gjobë me pajtim me të pandehurin zëvendësohet me punë në dobi të përgjithshme ashtu që 8 (tetë) orë të punës do të barazohen me 20.00 € (njëzet euro) ndërsa nëse i pandehuri nuk pajtohet me zëvendësimin e dënimit me gjobë në punë në dobi të përgjithshme atëherë dënimi me gjobë do të zëvendësohet në dënim me burgim në atë mënyrë që për çdo 20.00 € (njëzet euro) do ti caktohet një ditë burgim.

Pala e dëmtuar për realizimin e kërkesës pasurore juridike udhëzohet në kontest civil.

Obligohet i akuzuari që të paguajë paguaj paushallin gjyqësor në shumën pre 20.00 € (njëzet euro) në afat prej 15 ditësh pas plotfuqishmërisë së këtij aktgjykimi, nën kërcënimin e përmbarrimit të dhunshëm.

A R S Y E T I M

1. Rrjedha e çështjes

Prokuroria Themelore në Gjiilan, me datë 06.09.2017, ka ngritur aktakuzën PP.II.nr.1513/2017 të, kundër të pandehurit V.L., me vendbanim në Gjiilan, për shkak të veprës penale Lëndimi i lehtë trupor nga neni 188 paragrafi 1 pika 1.4 të KPRK-s. Në shqyrtimit fillestar në të cilin ishin prezent Prokurori i Shtetit Shefik Memeti dhe i pandehuri V.L., pas leximit të aktakuzës nga ana e prokurorit deklarohet se e ka kuptuar në tërësi aktakuzën dhe veprën penale për të cilën akuzohet dhe se e pranon fajësinë për kryerjen e kësaj veprës penale.

2. Vlerësimi i pranimit të fajësisë

Në shqyrtimin fillestar dhe publik, gjyqtari i vetëm gjykues pas dëgjimit të prokurorit të shtetit, ka marrë aktvendim me të cilin ka pranuar fajësinë e të pandehurit V.L. për kryerjen e veprës penale për të cilën akuzohet, ngase ka konstatuar se janë plotësuar gjitha kushtet ligjore për një gjë të tillë. Në këtë aspekt gjyqtari i vetëm gjykues ka konstatuar se i pandehuri e ka kuptuar drejtë natyrën dhe pasojat e pranimit të fajësisë, se pranimi i fajësisë është bërë vullnetarisht, se i pandehuri nuk ka qenë i detyruar ose i shtrënguar në asnjë mënyrë që të pranojë fajësinë, se pranimi i fajësisë mbështet në faktet e çështjes të cilat i përmban aktakuza dhe se aktakuza nuk përmban ndonjë shkelje ligjore e as gabime faktike.

3. Gjendja faktike e vërtetuar

Duke u bazuar në të lartcekurat, gjyqtari i vetëm gjykues vërtetoi këtë gjendje faktike: se i pandehuri V.L. ka kryer veprat penale Lëndimi i lehtë trupor nga neni 188 paragrafi 1 pika 1.4 të KPRK-s, në kohën vendin dhe mënyrën e përshkruar si në dispozitiv të këtij aktgjykimi.

4. Elementet e veprës penale

Gjykata, pas dëgjimit të deklaratave të palëve lidhur me dënimin, e ka shpallur fajtor të pandehurin V.L., për shkak të veprave penale Lëndimi i lehtë trupor nga neni 188 paragrafi 1 pika 1.4 të KPRK-s, ngase veprimet e të njëjtit i përmbajnë të gjitha tiparet e veprës penale dhe se për të njëjtën është dhe penalisht përgjegjës. Kjo për faktin se i njëjti e ka pranuar edhe vet.

Në nenin 188 paragrafi 2 të KPRK-s, vepra penale Lëndimi i lehtë trupor konsiderohet:

Kushdo që personit tjetër i shkakton lëndim të lehtë trupor, i cili rezulton në:

- 1.1. dëmtimin e përkohshëm ose dobësimin e një organi apo pjese të trupit të personit tjetër;
- 1.2. zvogëlimin e përkohshëm të aftësisë së personit tjetër për të punuar;
- 1.3. shëmtimin e përkohshëm të personit tjetër; ose
- 1.4. dëmtimin e përkohshëm të shëndetit të personit tjetër, dënohet me gjobë ose me burgim deri në një (1) vit.

5. Rrethanat që janë marrë për bazë me rastin e shqiptimit të dënimit

Gjyqtari i vetëm gjykues, me rastin e shqiptimit të dënimit duke u bazuar në nenit 73, 74, 75 dhe 76 të KPRK-s, ka vlerësuar se duhet të pranohet pranimi i fajësisë nga ana e të pandehurit dhe të njëjtit ti shqiptohet dënim me gjobë, si në dispozitiv të këtij aktgjykimi, ngase duke i marrë parasysh të gjitha rrethanat dhe provat ky dënim do të jetë dënim i drejtë dhe në harmoni me peshën e veprave penale, ashtu që të pandehurit V.L. si rrethanë posaçërisht lehtësuese ka marrë faktin se i pandehuri ka pranuar fajësinë për veprën penale për të cilat akuzohet, se i njëjti është penduar dhe ka premtuar që në të ardhmen nuk do të kryej vepra tjera penale, i ka kërkuar falje të dëmtuarit, ndërsa si rrethana rënduese gjykata ka konsideruar, lëndimin trupor të shkaktuar të dëmtuarit.

6. Shqiptimi i dënimit në harmoni me peshën e veprës penale dhe me shkallën e përgjegjësisë penale të pandehurit dhe qëllimi i dënimit të shqiptuar

Sipas bindjes së gjyqtarit të vetëm gjykues dënimi i shqiptuar ndaj të pandehurit V.L., duke marr parasysh rrethanat e përmendura më lartë është dënim i drejtë dhe në harmoni me peshën e veprës penale dhe shkallën e përgjegjësisë penale të pandehurit. Gjyqtari po ashtu ka konstatuar se me këtë dënim mund të arrihet qëllimi i dënimit nga neni 41 të KPRK-s, i cili konsiston në parandalimin e të pandehurit nga kryerja e veprave penale dhe rehabilitimin e tij, parandalimin e personave të tjerë nga kryerja e veprave penale, shprehja e gjykimit shoqëror për veprën penale dhe ngritjen e moralit dhe forcimin e detyrimit për respektimin e ligjit.

7. Vendimi mbi kërkesën pasurore juridike

Duke bazuar në nenin 463 paragrafi 2 të KPP, të dëmtuarit, për realizimin e kërkesës pasurore juridike udhëzohen në kontest civil.

8. Vendimi mbi shpenzimet e procedurës penale

Duke pasur parasysh natyrën e kësaj çështje penale dhe gjendjen financiare e të pandehurit V.L., gjyqtari i vetëm gjykues duke u bazuar në nenin 453 paragrafi 1 të KPRK-së, e obligoi ti paguaj shpenzimet e procedurës penale dhe taksën për kompensimin e viktimave të krimit. Andaj duke u bazuar në të lartcekurat gjykata vendosi si në dispozitiv të këtij aktgjykimi.

GJYKATA THEMELORE NË GJILAN
Departamenti i përgjithshëm
P.nr.949/2017 - Më datë 18.09.2018

Sekretarja Juridike
Igballe Azemi d.v
d.v

Gjyqtari
Behar Ymeri

KËSHILLA JURIDIKE: Kundër këtij aktgjykimi mund të paraqitet ankesë në Gjykatën e Apelit në Prishtinë / Departamentit të përgjithshëm në afat prej 15 ditëve nga dita e pranimit e të njëjtit. Ankesa në kopje të mjaftueshme i paraqitet kësaj gjykate

Numri i lëndës: 2018:036186
Datë: 19.09.2018
Numri i dokumentit: 00125683